



12. august 2011

EM 2011/92

Inatsisartut suleriaasianni § 33 malillugu matumuuna aaliangiiffigisassatut siunnersuut imaattoq nassiunneqarpoq:

Inatsisartut aalajangiiffigisassaattut siunnersuutigarpud Naalakkersuisut peqquneqassasut 2013-imi ukiakkut ataatsimiinnissamut paasiniarneqassasoq piviusunngorsinnaanersoq aningaasatigullu paasiniarneqassasoq INUILI-p ataani aalisarnermi ineriartortitsivissaq, tassani suliffissuaqarfiit ilisimatusarfillu suleqatigalugit misoorneqassasoq aaliasakkanik qalerualinnillu tunisassiat ineriartortinnissaat tunitsiviillu allanngorarnerat malillugu nalimmassarneqarnissaat. Naalakkersuisut misissuinerat nassuiaammik malitseqartariaqarpoq Inatsisartunut agguassassamik .

(Inatsisartunut ilaasortat Knud Kristiansen aamma Siverth K. Heilmann, Atassut)

Tuungavilersuut:

Nerisassiornermik atuarfik INUILI 2011/2012-umi aalisakerinermik ilinniarfik ATI ataatsimuulersinneqassapput. Ataqtigiissitsinermi INUILIp ineriartornermik aallussisuup ATIp kalaallit nerisassiassaannik atuisuusup tuniuttarpai ilinniagaqarnerit kalaallit nerisassaataannik suliffissuarni tunisassiararnerit kalaallit nerisassaataannik atuneq nukirttorsarsinnaavaat. Isumaqaqpugut pingaaruteqartoq aallaqqaammud suleqatigiinnermi periarfissanngortut paasiniassallugit, naliliinerpummi malillugu isumaqarnarmat taamatut ilinniarfinnik ataatsimut kattussinermi iluaqutissanik saqqummertoqarumaartoq. Taamaaliornikkut kalaallit nerisassaataat nukittorsarneqarlutillu saqqumilaartinneqalissapput nunatsinni tuniniaavinnut aamma nunanut allanut tuniniarneqarsinnaanerat paasinarsissalluni.

Aalisarneq siunissami aamma kalallit aningaasarsornerannut tunngaviussaaq. Taammaammad Atassummi isumaqaqpugut pingaartuusooq tunisassianik taakunangga annersumik pissarsarsinnaanerput. Tamanna angussavarput aalisakkanik qalerualinnillu tunisassiat ataavartumik ineriartortinnerisigut, taamaalippat Nunatsinni aalisarneq nunanut allanut unammillersinnasissaaq.

Atassummi isumaqaqpugut INUILIp ataadni aalisarnermik ineriartortitsivik susassaqtut soorlu Pinngortitaleriffik aamma DTU Aqua suleqatigalugit maani aalisarnermik ineriartortitsinermi iluaqutaajumaartut. Taamaaliortoqarpat kalaallit aalisagartaat qalerualittaallu annertunerusut maani suliareqqinneqartalersinnaapput. Suliffissuarnik soqtigisaqtut aalisarnermik ineriartortitsivik suleqatigalugu ataasiakkaalutik ineriartornermut tunniusseqataasapput aalisakkerineq ineriartortillugu, taamaaliornikkullu kalaallit aalisarnerat nunarsuarmi unammillernermi nukittorsarneqassalluni.

Manna isumaavoq suliffissuaqarneq aalisarnermut ineriartortitsivimmud paasissutissanik tunniussuinermigut suleqataassaaq, pisiniartartut pisarinerorusutaat suunersut, taamaaliornikkullu pineqartup iluani ilinniagaqtut siunissami tunisassiornissamik ineriartortitseqataasapput. Ilinniagaqarfusut suliffissuillu taamaaliornikkut siunissami allannguisarnissanut allatut ingerlatsisinnaanissamut piareersimanerulissapput, atuisartut nerisassiassallu eqqarsaatigalugit nunanut allanut maanilu tunisassatut ineriartortinneqassallutik.

Aningaasaqarnikkut allaffissornikkullu pisortanut kingunissai:

Atassutip naliliinera malillugu aaliangigassatut siunnersuut piviusunngortinneqassaguni aningaasatigut kinguneqassaaq. Taamaammat nunanut allanut tuniniaasarsinnaaneq maanilu tuniniaasarfiit misissoqqissaarneqassapput. Taassuma sanitigut INUILI suleqatigalugu misissuisoqassaaq qanoq ililluni ilinniarfiup aalisarnermi ineriartortitsivik tapersorsinnaagaa.

Misissuinissami misissueqqissaarnermilu qularnanngitsumik aamma naatsorsuisoqassaaq ingerlatsineri aningaasartuutini aamma inuiaqatigiit aningaasarsiornerannut tunngasunik. Taamatut naatsorsuinerit Namminersorlutik Oqartussani allaffissornikkut sulisut suliassaqartin-nerulissavaat. Taassuma saniatigut misissuisimanerit Inatsisartunut saqqummiunneqassapput – nalunaarusiornikkut imaluunniit nassuiaasiornikkut – takkulu aamma soorunami allaffissornikkut sulisorisat atorneqarnerat annerulwersissavaat, aamma nutserisoqarneq eqqarsaatigalugu. Suliassaq una pingartinneqartussaavoq Inatsisartut Naalackersuisunut suliassiisarneri allat assigalugit.

Atassut imaaliinnarluni isumaqarpoq misissuinissaq una piviusunngussappat AC ukiumut 500.000 koruunit missaanni atortariaqassasut. Taakkununga ilanngutissapput nutserinermik suliaqartartut. Aningaasartuutit pingaarnersiunikkut aningaasat atugassarititaasut iluanni tiguneqassapput. Aamma naatsorsuutigisariaqarpoq INUILI inuussutissarsiortullu namminersortut misissuineri ilanngunneqarnissaat paasissutissanik naatsorsuinerinillu Namminersorlutik Oqartussanut tamakkulu misissuineri akuliunneqarnermikkut aamma aningaasartuuteqarnerulissapput. Atassutilli aningaasartuutissat qanoq amerlatiginissaannik massakkut naliliisinnaangilaq.

Aningaasaqarnikkut allaffissornikkullu namminersorlutik inuussutissarsiortunut kingunissai:

Pingaarnertut suliallu malitsigisaanik namminersorlutik inuussutissarsiortunut aningaasatigut kinguneqaarsinnaanera misissuinissap saqqummersissavaa. Suliap massakkut aallartisarnerani tigussaasumik oqaaseqaateqarnissaq siusippallaarpoq, taamaaliosinnaanermut paasissutissat nammanngimmata siunnersuutip sunniutissai pillugit.

Aningaasaqarnikkut allaffissornikkullu inunnut ataasiakkaanut kingunissai:

Inunnut ataasiakkannut aningaasaqarnikkut allaffissornikkullu kinguneqarsinnaanera ilimagineqanngilaq.